

अ॒न्तरु॒र्वी । स्वा॒हुतं वि॒श्वतः॑ पृ॒त्यच्च॑म् । मे॒धाका॒रं वि॒-
द॒यस्य॑ पु॒साध॑नम् । अ॒ग्निः हो॒तारं॑ परि॒भूत॑मं म॒तिम् ।
त्वा॒मभै॑स्य ह॒विषः॑ स॒मान॑मि॒त् । त्वां म॒हो वृ॑णते न॒रो
ना॒न्यं त्वत् । म॒नुष॑त्वानि धी॒महि॑ । म॒नुष॑त्समि॒धी-
महि॑ । अ॒ग्ने म॒नुष॑द॒ङ्गिरः॑ ॥ ३ ॥

दे॒वान् दे॒वाय॑ ते य॒ज । अ॒ग्निर्हि वा॒जिनं॑ वि॒शे ।
द॒दाति॑ वि॒श्वच॑र्षणिः । अ॒ग्नीरा॒ये स्वा॑भुवम् । स पू॒तिता
या॒ति वा॒र्यम् । इ॒षः स्तो॒तृभ्य॑ आ॒भर॑ । पृ॒ष्टो दि॒वि
पृ॒ष्टो अ॒ग्निः पृ॒थिव्या॑म् । पृ॒ष्टो वि॒श्वा ओष॑धीरा॒विवे॑-
श । वै॒श्वान॒रः सह॑सा पृ॒ष्टो अ॒ग्निः । स नो॒ दिवा॑ स-
रि॒षः पा॑तु न॒क्तम् ॥ ४ ॥

अ॒सी॒षद॒न् यवि॑ष्ठम॒ङ्गिरो॒ नक्त॑म् ॥ अनु० ६ ॥

सप्तमोऽनुवाकः ।

अ॒यं वा व॒यः प॑वते । सोऽ॒ग्निर्ना॑चि॒केतः॑ । स य॒त्राङ्
प॑वते । तद॑स्य शि॒रः । अ॒थ यद्दक्षि॑णा । स दक्षि॑णः
प॒क्षः । अ॒थ यत्पृ॑त्यक् । तत्पु॒च्छम् । यदु॒दङ् । स उ॒-
त्तरः॑ प॒क्षः ॥ १ ॥

अ॒थ यत्सं॑वा॒ति । तद॑स्य स॒मच्च॑नच्च पु॒सार॑णच्च ।